

## Portas avertas en las ruinas da la «Münzmühle»

■ (rtr) La sonda passada han ins pudì visitar in anteriur lieu da producziun da munaidas a Cuira – almain las ruinas da quel. Davos il bogh avert Sand vegneva anc enfin avant 250 onns producì millis e millis munaidas. Sut la catedrala da Cuira: Ils archeologs han mess liber las ruinas da la veglia «Münzmühle».

Dentant avant ch'ìls chavateras vegnan, è anc il servetsch archäologic dal cantun sin il plazzal. Dapi la primavera 2014 è el numnadamain vi da purtar giu part per part da las ruinas da la «Münzmühle». Ed en quellas han els chattà differentas restanzas: munaidas bluttas senza stampa, luenteras, restanzas da sturs e parts da ceramica.

Sonda passada han visitadras e visitaders pudì visitar il lieu d'exchavaziuns e pudì schar declarar ils experts, co la «Münzmühle» produceva. En la «Münzmühle» vegneva fatg tranter ils onns 1590 e 1767 da tuttas sorts munaidas; renschs, crizers, blutzgers e fennics. Millions da muneidas. En ils megliers onns

da la «Münzmühle» ha ella producì enfin 12'000 munaidas per di. L'emprim laschava mo l'investg producir qua la munaida, pli tard era la citad da Cuira. Era incaricada da l'exteriur ha la «Münzmühle» survegni. L'onn 1740 per exempel ha ella producì munaidas per l'Italia dal Nord. Bain 30 onns pli tard ha ella stui serrar. Material e persunal eran vegni memia chars, far munaidas na rendeva betg pli. Enavos tar las excavaziuns: In'importanta scuverta ch'è vegnida chattada è in uschè numna «Schrötling», in rensch senza stampa. Sco l'expert da munaidas *Werner Zaugg* declara, mussia quella munaida fetg bain ch'igl è vegni producì a Cuira munaidas a moda fetg classica. Per *Claudio Caprez* che maina las exchavaziuns n'èsi betg mo important tge ch'è vegni chattà, mabain er nua ch'igl è vegni chattà. La stresa nua che la tocca vegn chattada dettia er infurmaziuns sur da l'istorgia da la construcziun. Ils mirs da la «Münzmühle» hajan mussà: aifer 400 onns haja il bajetg adina gi in niz industrial.



Sut la catedrala da Cuira: Ils archeologs han mess liber las ruinas da la veglia «Münzmühle».